

KANDILANG MAY ILAW

Mga Kandilang may ilaw, sa luntiing koronang
Pag-asa ang dulot sa mundong naghihintay
Sa pag-pawi ng kadiliman kasalana'y nahugasan
Bagong buhay ang dulot syang saya ng kapaskuhan

Ang Tala'y sisinag dadapo sa puso
Ituturo ang yamang higit sa anuman
Halina Mesiyas manahan sa puso
Ikaw ang tanging yamang hindi mapapantayan.

May awit sa puso ang Birheng Maria
Mapalad ang taong aba't mapagkumbaba
Dukha'y sasagana, habag nya ang sandata
Ang pangakong kaligtasan Emmanuel ang pangalan.